

К ОПУБЛИКОВАНИЮ

КОМИ РЕСПУБЛИКАСА ЮРАЛЫСЬЛӨН ИНДӨД

Коми Республикаса Сыктывкарлөн торъя мутасын лэбачьяслөн зэв патогенной грипп серти дзескөдан мероприятияяс (карантин) урчитөм йылысь

«Ветеринария йылысь» Россия Федерацияса Оланпаслөн 3¹ да 17 статьяяс, «Пемосьяслөн вуджан, сы лыдын торъя опасной, висьомьяслысь, кутшомьяс серти вермөны урчитны дзескөдан мероприятияяс (карантин), лыддьөг вынсьөдөм йылысь» Россия Федерацияса видз-му овмөс министерстволөн 2011 во ошым тöлысь 19 лунся 476 №-а да «Öлөдан, диагностика вöчан, дзескөдан да мукöд мероприятие збыльмөдан, карантин да мукöд дзескөдөм, кутшомьясöс веськөдöма сы вылö, медым видзчысьны лэбачьяслөн зэв патогенной грипп паськалöмысь да бырöдны висьманіньяссö, урчитан да дугöдан ветеринарной правилöяс вынсьөдөм йылысь» Россия Федерацияса видз-му овмөс министерстволөн 2021 во рака тöлысь 24 лунся 158 №-а тшöктöдьяс серти (водзö – Ветеринарной правилöяс), «Коми Республикаса Сыктывкарлөн торъя мутасын дзескөдан мероприятияяс (карантин) урчитөм, дзескөдан мероприятияяс (карантин) суйöм йылысь» Коми Республикаса видз-му овмөс да потребительской рынок министрлөн 2023 во ода-кора тöлысь 18 лунся представление подув вылын шуа:

1. Урчитны Коми Республикаса Сыктывкарлөн торъя мутасын лэбачьяслөн зэв патогенной грипп серти дзескөдан мероприятияяс (карантин) 2023 вося ода-кора тöлысь 18 лунсянь лэбачьяслысь зэв патогенной грипп бырöдан мероприятияяс нуöдны помавтöдз период вылö.

2. Дзескөдан мероприятияяссö (карантинсö) колö дугöдны Ветеринарной правилöясөн урчитөм мероприятияяс нуöдöм бöрын.

3. Урчитны, мый лэбачьяслөн зэв патогенной гриппон эпизоотической висьманінон лоо Коми Республикаса Сыктывкарлөн торья мутас географической координатяса мудорьясын: 61.670248 войвыв широта 50.859559 асывыв долгота, 61.670476 войвыв широта 50.859361 асывыв долгота, 61.671882 войвыв широта 50.860628 асывыв долгота, 61.671859 войвыв широта 50.861189 асывыв долгота.

4. Урчитны опасной зона мутасын, мый лоо веськыда орчон эпизоотической висьманінкод эпизоотической висьманінлөн мудорьяссянь 5 километрöдз радиусон, эпизоотической лоомтор, месталысь ландшафтын да географияын аслыспөлöслуньяссö, тайö зонаын меститчысь олан пунктяяс, овмөсьяс костын овмөс, транспорт да мукöд йитöд төд вылö босьтöмөн.

5. Урчитны видзöдан зона мутасын, мый лоо орчон опасной зонакод 10 километрöдз радиусон, эпизоотической лоомторсö, месталысь ландшафтын да географияын аслыспөлöслуньяссö да тайö зонаын меститчысь олан пунктяяс, овмөсьяс костын овмөс йитöдьяс төд вылö босьтöмөн.

6. Дугöдны дзескöдан мероприятияслөн (карантинлөн) вына период вылö:

а) эпизоотической висьманінын:

висьысь лэбачьясöс бурдöдöмсö;

бокөвöй йöзөн мутасö волöмсö, уджалысьяс кындзи, кодьяс збыльмöдöны производственной (технологической) операцияяс, сы лыдын лэбачьясöс видзём серти, канму ветеринарной служба са специалистьяс да висьманін бырöдны корём уджалысьяс, йöз кындзи, кодьяс олöны да (либö) недыр кад кезлö воисны мутасö, кодöс шуöма эпизоотической висьманінон;

лэбачьяс, пöжан кольк вайöмсö да нуöмсö;

лэбачьясöс мöдлаö вуджöдöмсö да выль пöв группируйтöмсö;

начкан прöдуктьяс могысь лэбачьяс начкöмсö;

лэбачьясөс начкан прöдуктьяс да пöтка видзан мукöд продукция нуöмсö;

став сикас пемöслы вердас нуöмсö, кытчö вермисны инмывлыны висьысь лэбачьясыс;

кувсьöм лэбачьяслысь гөн да пух куштöмсö;

инвентар да мукöд материально-технической средство нуöмсö, кутшöмьясö вермисны инмывлыны висьысь лэбачьясыс;

лэбачьяссö лэдзавлöмөн видзöмсö;

пöжöм вылö колькьяс пуктöмсö;

транспорт средствояслысь пырöмсö да петöмсö (транспорт средствояс кындзи, кутшöмьясөн вöдитчöны эпизоотической висьманінсö бырöдöм серти мероприятиясын да (либö) йöзлысь уджсö могмöдигөн, кодьяс олöны да (либö) недыр кад кежлö воисны овмöс мутасö);

лэбачьясöс кыйöмсö, кутшöмьясöс пыртöма кыйсян-вöралан озырлун лыдö, кыйсян-вöралан озырлунлысь лыдсö ладмöдöм могысь кыйсьöм кындзи;

б) öпасной зонаын:

лэбачьясöс да пöжан кольк вайöмсö да нуöмсö;

лэбачьяслы кöрым дасьтöмсö да нуöмсö;

лэбачьяссö лэдзавлöмөн видзöмсö;

видз-му овмöс ярмангаяс, выставкаяс, вузасьöмьяс да мукöд мероприятие нуöдöмсö, кутшöмьяс йитчöмаöсь лэбачьясöс да мукöд сикас пемöсьясöс вуджöдöмкöд, новлöдлöмкöд да чукöртöмкöд;

лэбачьясöс кыйöмсö, кутшöмьясöс пыртöма кыйсян-вöралан озырлун лыдö, кыйсян-вöралан озырлунлысь лыдсö ладмöдöм могысь кыйсьöм кындзи.

7. Урчитны, мый лэбачьяслөн зэв патогенной гриппөн висьманін бырöдöм серти торья мероприятияессö, кутшöмьясöс урчитöма Россия Федерацияса ветеринарной оланпастэчасөн, збыльмöдöны Ветеринарной правилöяс серти.

8. Коми Республикаса видз-му овмӧс да потребительскӧй рынок министерстволы вынсьӧдны лӧбачьяслысь зэв патогеннӧй грипп бырӧдӧм да висьӧм босьтчӧдысьлӧн паськалӧмысь видзчысьӧм серти мероприятиеяслысь план.

9. Тайӧ Индӧдыс вынсялӧ сійӧс официальнойӧ йӧзӧдан лунсянь.

Коми Республикаса Юралысь

В. Уйба

Сыктывкар

2023 вося ода-кора тӧлысь 18 лун

51 №